

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghgvau Swvu Veijvenzvei

Cawjbanh: Gvangsiah Minzcuz Bause

Geiz neix 8 bani

Aenhauh okbanj: CN45-0036

B.2024

Nd.6 Ng.26

Liggaeuq gyapsaenz nienz ndwenngux ngeih 'it Geizsoq: Gungh daih 3628 geiz

Cunghgung Cunghyangh Bangunghdingh Gozvuyen Yaenqfat 《Aen Dunghcih Gvendaengz Guh Ndei Hong Senjbingz Doigawj Gij Guhyiengh Minzcuz Doxgiet Baenaj Daengx Guek》

Mboengqneix, Cunghgung Cunghyangh Bangunghdingh, Gozvuyen yaenqfat 《Aen Dunghcih Gvendaengz Guh Ndei Hong Senjbingz Doigawj Gij Guhyiengh Minzcuz Doxgiet Baenaj Daengx Guek》(bailhaj genjdanh heuh 《Dunghcih》). 《Dunghcih》 ceijok, Dangicunghyangh, Gozvuyen gietdingh, bineix baeznduj yungh aen mingzdaeuz Dangicunghyangh, Gozvuyen byaujcangh gij guhyiengh minzcuz doxgiet baenaj daengx guek.

《Dunghcih》 mingzbeig le gij cungdaej iugouz hong senjbingz doigawj. Aeu yaengxsang fan geiz hungmbwk sevei cuji miz daegsaek Cungguek, dingjmaenh aeu aen swhsiengj sevei cuji miz daegsaek Cungguek seizdaih moq Siz Ginbingz guh dazyinx, haeujlaeg gvancez gij cingsaenz Ngeihcib Daih Dangj caeuq Aen Hoih Hong Minzcuz Cunghyangh, cienzmienh gvancez gij swhsiengj youqgaenj gyagiengz caeuq gaijndei hong minzcuz Siz Ginbingz cungisuhgi, haeujlaeg roxyiuj gij giet-

dinghsingq yihi “song aen dinghlaeb”, demgiengz “seiq rox”, giendingh “seiq aen gagsaenq”, guh daengz “song aen henhoh”, dingjmaenh dangj lingjdauj hong byaujcangh senjbingz, dingjmaenh cwngci byauhcnj, doedok aen iugouz diuz sienqmeh couqmaenh gij eiqsik caezcaemh Cunghvaz Minzcuz, doedok saedcic dazyiengq, nyinhcaen cungjez bi 2019 byaujcangh gij guhyiengh minzcuz doxgiet baenaj daengx guek doxdaeuj, gij cingzcik caeuq gingniemh guek raeuz minzcuz doxgiet baenaj saehnib aeundaiej de, bingzsenj byaujcangh gij guhyiengh minzcuz doxgiet baenaj gak dieg gak hangz miz de, gvangqlangh senhconz saehsaed senhcin, dazyinx gak cuz bauxminz giendingh lai nyinhdoengz aen guekcoj hungmbwk, Cunghvaz Minzcuz, Cunghvaz vwnzva, Cunghgoz Gungcanjdangj, sevei cuji miz daegsaek Cungguek, diuz roen moq doxgiet buekguh, seizdaih moq gaenx laebgoeng, buekguh mbouj soeng aeu yiengh yendaiva Cungguek cienz-

mienh doicaenh yienghsaeh hwnqguh aen guek ak, minzcuz fukhwng.

《Dunghcih》 mingzbeig le gij gvaengxlaengx caeuq diuzgen senjbingz doigawj. Bi 2019 doxdaeuj bauxvunz guhyiengh caeuq aen cizdij guhyiengh ok goengrengz lai hawj yienghsaeh minzcuz doxgiet baenaj guek raeuz cungj doigawj ndaej, baux hab diuzgen gvaqseiq ndaej gyaep hawj. Doigawj doiqsiengq youq ndaw hong doidoengh doeksaed couqmaenh gij eiqsik caezcaemh Cunghvaz Minzcuz gak hangh yinvu, gyagiengz hwnqguh aen gungdungzdij Cunghvaz Minzcuz aeundaiej cingzcik yienhda. Gidij baugvat cauhaeb aen gyaranz cingsaenz caezcaemh Cunghvaz Minzcuz, haeujlaeg guh gij eiqsik caezcaemh Cunghvaz Minzcuz lijln yenzgiu caeuq senhconz gyauiyuz, doidoengh dieg minzcuz saedyienh hwnqfat ndei saed, henhoh guekgya doengjit caeuq fanjdui faenmbek, doidoengh gapdoh haeujcoengh caeuq baihdong baihsae doxgap, coihawj

gak minzcuz dox baedauq doxgyau doxyungz, doicaenh hongsaeh minzcuz ceihleix dijhi caeuq ceihleix naengzlig yendaiva, fuengzre vaqgej gij huxndumj fungyiemj gizdieg minzcuz ndaej ndei, gyagiengz dieg minzcuz gihcwngz cujciz caeuq cwnggenz gensez caeuq fuengmienh wng aen cizdij caeuq bauxvunz miz goenglauz hung.

《Dunghcih》 mingzbeig le gij iugouz guhhong caeuq cwngzsi senjbingz doigawj. Aeu gyagiengz cujciz lingjdauj, saeqsim cujciz saedhengz, cietsaed fatok gij cozyung lingjdauj caeuq bajgvan dangjveij(dangjcu). Aeu yiemzgek ciuq gvidingh biucinj, diuzgen caeuq cwngzsi, cienzmienh gaujcaz doigawj doiqsiengq cwngci suciz, cujau cingzcik caeuq vunzlai ngaekgyaeuj cingzgvang. Aeu cungfaen fatyiengz minzcuj, gvangqlangh dingqaeu yigen, yawjnaek vunzlai bingzgyaq, baujmaenh goenghai goengbingz goengcingq.

(daj 《Sinhvazse》 aeu daj hoiz)

Makmaenj Baenz Gai Lai Vunzlai Sim Vandiemz

Seizneix, cingq dwg mboengq makmaenjsanhvazlij Hocouh Si Bazbu Gih Hogaih Cin baenz gai lai. Aen cin neix gyoengq baux ndaem mak ganj hawj vunz mbaet mak bae gai, hix miz haujlai bauxhek bae suenmak mbaet mak, bae gvaqyinx saek yaep. Ndaw doz dwg 6 nyied 23 hauh, baux ndaem mak cingq faen mak cang sieng.

(Vangz Yuzhuz ingj)



Nazboh Beixnuengx Yizcuz Angq Gvaq Ciet Gouzfwn

Mboengqneix, Nazboh Yen Bwzswngj Yangh Menliengz Cunh Mbanjbohuj aen mbanj Yizcuz guh ciet gouzfwn bi gvaq baez. Ciet gouzfwn gaeuqgeq neix, mboujdan dwg maqmuengh fwn raemx cukdoh, haeuxliengz sou ndaej lai, hix dwg aen hozdung youqgaenj langhbaij caeuq cienzswnj Yizcuz vwnzva. 2012 nienz 5 nyied, ciet gouzfwn Yizcuz Nazboh

ndaej liedhaeuj swcigh feihvuzciz vwnzva yizcanj hanghmoeg mingzloeg.

Ngoenzciet ngoenzhaenx, gyoengq vunzmbanj ranzrongh couh nyaengq, caepcawq doxgaiq caeqbaiq caeuq haeuxbyaek ndei daihhek. Bauxmo ndang daenj buhvaq guhmo, youq bakmbanj guh doengh gij saeh gouzfwn, gangjok gyoengq vunzmbanj

maqmuengh ndaej fwn raemx cukdoh, haeuxliengz lai sou haeuj cang. Riengz baux cienzswnj ndaek gyong, mehmbwk Yizcuz ndang daenj buhvaq minzcuz haj saek haenx, humx doxgaiq caeqbaiq, dingq ndaek gyong bae diuq foux ciuhgeq.

Baez hozdung neix lij cingj mbanj henzgyawj Dabanjyauz, Lanzdenyauz, Myauzcuz, Bauxcuengh

daengj vunzlai dem, caezgya angqyangz doxcomz, eu fwen diuq foux, cimz laeujget gwn byaek feih, daengx aen mbanj gizgiz angqvauvau.

Baez hozdung neix hix yinx ndaej Bwzswz, Nanzningz, Yinznanz daengj bauxhek rog gih ndaw gih, gyoengqde daeuj yawjngonz roxninh aen ciet daj ciuhgeq cienz roengzdaeuj neix.

(Lij Bingz Lij Ginhmiz)